

隱香堂金石記

墨逸自署

億年堂金石記

丹徒陳邦福

諸滅鐘

鐘云佳□月初吉丁亥在□王兄難之子者滅作□鐘其子孫  
永保用邦福案銘稱王兄難之子諸滅作□鐘古難與難本通  
假說文董部云艱土難治也籀文作難爾雅釋詁云難難也郝  
氏義疏云書暨稷播奏庶艱食史記夏本紀作與稷予衆庶難  
得之食又大誥篇內艱字漢書翟方進傳並作難此艱難二字  
通假之切證文云王兄難者即楚成王兄熊羆也史記楚世家  
云楚文王十三年卒子熊羆立是為杜教杜教五年欲殺其弟  
熊暉暉奔隨與隨襲殺杜教代立是為成王然則熊暉為熊羆

之弟憚曾立為王則此器之王兄難當為成王兄熊羆無疑

### 留鼎

鼎有云留用絲金作朕文考完白釁牛鼎邦福案說文無釁字

殷墟契文及古彝器釁字皆从月得聲兼有置肉于鼎之誼禮

記少儀云其以鼎肉則執以將命鄭注鼎肉謂牲體也解可升

于鼎也

見邦福箸  
殷契說存

文稱釁牛鼎疑兼為薦牛之用不僅如錢獻

之鼎足作牛首形之說也考淮南子詮言訓云夫函牛之鼎沸

而蠲蚋弗敢入高誘注函牛受一牛之鼎也亦可參證

案宋甲  
午牛鼎

各家有謂牛首形有謂牛蹄形有謂牛腹  
形文未著釁字座具牛像亦謂之牛鼎

### 孟鼎

鼎有云王若曰孟不顯玟王受天有大命在珺王嗣玟作邦邦  
福案周人于文武二字增王猶殷人于上甲報乙報丙報丁增  
□□作十司區司皆殷周追尊先世之媻字也歸峯敦云王若  
曰苾白朕不顯祖玟珺應受大命是其證

曆鼎

鼎云曆肇對元德考友佳井作寶樽彝其用夙夕燕高邦福案  
文稱曆肇對元德者元德天德也淮南子原道訓云執元德于  
心而化馳若神高誘注天也考友當為孝友之假借井謂法度  
風俗通井法也言曆上對天德無媿下于孝友有法也

鄭臧句父簠

籩云鄭咸句父籩邦福案籩上从茲媯當為爾雅釋器鼎之異  
文考說文鼎部云鼎鼎之圜掩上者从鼎才聲又云鎡俗鼎从  
金茲聲證之此器籩鎡鼎三字皆為異文鎡又籩異或起稍後  
又藝文類聚卷七十三引爾雅舊注云鼎子鼎古子孽本可通  
假大戴禮本命篇云子孽也淮南子天文訓云子者茲也亦可  
參證

散盤

散盤紀巴中地理近人考之至詳盤有云我既付散氏濫田牆  
田邦福案華陽國志蜀志郫縣廣漢縣皆有山原田漢中志涪  
縣有宕田平稻田皆可參證盤又云眉田彘祖義字从弗當為

列國雜體說文我部云義已之威儀也从我羊墨翟書義从弗  
魏郡有義陽鄉讀若錡是義从弗屮見此器及墨子脩身篇非  
真古文也

虢季子白盤

盤有云經纒四方纒或釋維或釋隻邦福案纒仍當釋維據毛  
公鼎雖正从隻作纒可證經維連文言常度也盤又云執𦉳五  
十丹陽吉氏城釋𦉳為奴古奴通帑帑又假絮引周禮考工記  
帑讀為絮為證福謂古奴虜音義俱通史記李斯傳格虜索隱  
謂奴隸後漢書朱馮虞鄭周傳贊云魴用降帑注帑虜也銘中  
執奴正常武仍執醜虜公羊莊公十二年傳注執虜之說矣盤

又云虢季子白據往出子緹壺盤皆云虢季氏子緹是虢季之  
後初本以虢季為氏至白盤獨不著氏者又當時之常例爾

### 聃敦

敦有云□亥□有大豐邦福案大豐猶殷契之大邑商武成之  
大邑周也詩文王有聲云作邑于豐可證敦又云王祀于天室  
于亦見殷契及古鉢以誼審之或古建樹之說與天室擴古錄  
釋昊室窻齋集古錄釋太室俱誤考逸周書度邑解云我南望  
過于三塗我北望過于嶽鄙顧瞻過于有河宛瞻延于伊雒無  
遠天室似可旁證銘中喜帝蓋禧禘之省俎舊釋宜亦誤

### 叔家父匡

匡云叔家父作中姬匡用盛福梁用速先通諸咍用斬眉壽無疆哲德不亡孫子之齏邦福案通即述爾雅釋詁云通自也釋文引孫炎注云通古述字諸咍婁見藝器考咍从圭得聲說文圭下所謂圭讀若皇是也器中匡與梁咍疆亡齏為韻明匡別為器與簠形近然絕非簠之借字前賢之說未敢盡信

上虞羅氏藏刻

白鋁近人有謂鋁即簠者福謂古匡呂形皆似簠實非簠字詩采繁維筐及管毛傳方曰筐圓曰管又良耜云載筐及管鄭箋筐管所以盛黍也疑匡鋁入祭初本筮金後製以竹遂視為賤器爾


### 禽彝

彝云王伐許侯周公某禽祝禽父鼗祝王錫金百爰禽用作寶彝邦福案貽疑从昱得聲或翼之異文彝有奉鷄入祭之象古



者鷄為常祭奉鷄入祭即謂之羹考風俗通祀典篇云山海經曰祠鬼神皆以雄鷄魯郊祀常以丹鷄祀日以其朝聲赤羽去魯侯之咎是其證

左關鋳

濰縣陳氏往得三銅器于膠西靈山衛故城一為陳猷釜一為陳子禾子區一似半瓠如文曰左關之鋳簠齋以三器同出一地遂誤左關鋳亦為家量之屬矣邦福案鋳从金吳聲古鐸字考立世阿毗曇論卷二百音義引古文奇字云鋳下瓜反犁刃也善見律卷一音義云鋳戶花反此古文奇字鐸又考後漢書獨行戴就傳注引古今字詁云鋳畱也又引何承天纂文曰

音華今之錕也是錕為鐸之本字無可疑已且錕為犁音之屬刃曲如半瓠上端有孔為受木之用厥狀至顯蓋齋未能深考潘吳諸家亦未得舉名至可惜也

右行市正市鉢

福山王氏藏古鉢文曰右行市正市邦福案市前人皆誤釋作木漢印有都出漢泥封有左市右市以彼證此福始定市為關市之市考周禮地官司市云以次序分地而經市以陳肆辨物而平市以政令禁物靡而均市以商賈阜貨而行市鄭注司市為市官之長則經市平市均市行市皆司市以下之官鉢文右行市疑周召分陝以後始職分左右也正市又征市之媮孟子

梁惠王篇云關譏而不征管子問篇云征于關者勿征于市征于市者勿征于關皆可參證

### 井皦鉢

福山王氏藏古鉢文曰井皦邦福案井國名鉢文凡皦字皆伯之異說文支部云皦迨也从支白聲周書曰常皦常任段注漢人所用皆作常伯今尚書作伯許所據絕異者壁中古文多假借也又鉢文中福近考得公侯皦子男五等爵制前賢多未之及亦學鉢文者所樂聞與

### 兗奴相邦印

黠黃氏藏玉印文曰兗奴相邦邦福案相邦秦官蓋相國也考

史記秦本紀云莊襄王元年東周君與諸侯謀秦秦使相國呂不韋誅之又秦始皇本紀云相國呂不韋坐嫪毐毒免據灘陳氏藏呂不韋詔事戈云五年相邦呂不韋造是相邦即相國之明證也考漢人諱邦為國漢碑婁見史公于秦本紀正此說也印文允奴相邦允奴國名始見逸周書王會解及山海經海內南經至七國仍沿其舊漢作匈奴假借字爾

四角羗王印

福山王氏藏漢印文曰四角羗王邦福案後漢書南匈奴傳云南單于既內附兼祠漢帝因會諸部議國事走馬及駱駝為樂其大臣貴者左賢王次左谷蠡王次右賢王次右谷蠡王謂之

四角次左右日逐王次左右溫禺鞮王次左右斬將王是為六角皆單于子弟次第當為單于者也印文四角羗王殆南匈奴諸王之舊與又金石索有四角胡王印亦可參證

唯印

蓋齋印舉載漢官私壓勝皆有唯印官印如戶加里唯印中里唯印員里唯印之屬私印如諸長卿唯印季子唯印之屬壓勝如巨唯樂哉長久寸唯常樂公年唯印之屬更有不箸官地廛唯印二字者邦福案唯印二字史無所徵福以印證印始定為漢三老鄉官畫諾用也說文口部云唯諾也禮記曲禮云必慎唯諾是其證至漢私印多唯字者蓋亦私人畫諾用矣

彈印

蓋齊印舉載上里彈印室先彈印邦福案周禮地官云里宰鄭注勑者里宰治處也若今時街彈之室疏云漢在街置室檢彈一里之民是鄭注今時正漢制矣又考漢劉熊碑云□□為正以卒為更愍念烝民勞苦不均為作正彈造作門更又水經注有漢街彈碑尤足證此印為漢時彈室所掌矣

齊陳稜匄器

濰縣陳氏藏二匄器一丘齊陳稜□□右里朴東毫母一主孫陳稜立事國左里皜毫母邦福案丘齊大齊丘齊二字亦見杭州鄒氏藏丘齊子里匄器文云主孫陳稜立事主孫無考以諱

審之稜殆齊之公族與立事言治事也考大戴禮有曾子立事篇楊子法言重黎篇云或問周官曰立事左氏曰品藻太史遷曰寶錄又古鈇文曰陳黨立事歲安邑毫釜鈇皆其切證器又云國左里故者言國子軍里之左故也管子小匡篇云為高子之里為國子之里為公里三分齊國以為三軍擇其賢者以為里君器稱左里故疑里君之隸屬矣故古伯字說文支部故下引周書常故常任今尚書作伯可證也

殷紅崖碑

碑云佳肇龜<sub>𠄎</sub>白刑威競<sub>𠄎</sub>王其還<sub>𠄎</sub>方<sub>𠄎</sub>旅邦<sub>𠄎</sub>冲緇或免<sub>𠄎</sub>  
□屯由由邦福案此殷苗民紀殷王還<sub>𠄎</sub>方<sub>𠄎</sub>刻石龜下<sub>𠄎</sub>字與

𠄎𠄎皆𠄎之異文刻石𠄎以方名正易鬼方詩徐方殷契羊方  
雀方之例已據簠室殷契類徵云貞勿令闕在北𠄎闕卅人是  
卜辭之北𠄎與𠄎方當為一地矣碑中曰古舊字𠄎古冲字據  
殷契从水之字多作𠄎可證或婁見殷契惜不可識或古倅字  
虢季子白盤云𠄎子白獻成于王屯古純字由由有悅義管  
子小問由由乎茲免何其君子也注悅也諦審全刻疑殷代三  
苗之書紀殷王還自𠄎方倅首以去由由歸化不然地名字體  
又奚以與殷契十同六七也

漢曹參家宅刻石

石出土後先歸浹陽端氏繼歸東武王氏許閣漢輔俱有釋文



塵斷為西漢降命刻石惜皆未能深考邦福案此漢惠帝六年  
詔令治曹參冢宅刻辭也石云六年二月降命考漢書惠帝本  
紀云五年秋八月己丑相國參薨則六年二月降命專治冢宅  
于時正合石又云共參執法以建下國守除相國西安之里據  
曹參傳云高祖六年與諸侯剖符賜參爵列侯食邑平陽傳又  
云參以齊相國擊陳豨將張春破之是刻石中參謂曹參下國  
謂齊悼惠王肥皆補述參在高帝時事也至西安之里則參冢  
地矣石又云遼元宗遼叔宗遼季宗遼伯世遼伯卿此五家祖  
冢之責言西安里近遼氏五家祖冢也文末稱以漆書之故降  
百通急如律令正漢人符券之舊